

ՆԱԽՆԻՆԵՐԻ ԿԱՆՉԸ



Առաջադրանքներ

1. Նախադասություններն ընդարձակիր՝ ենթակայի՝ տրված հարցերին պատասխանող լրացումներ տեղադրելով (ո՛ւմ, ինչպիսի՛ն, ո՛ր, ինչի՛ն):

ա) Երկնում էր երկինքը:

դ) Երկնում էր ծովը:

բ) Երկնում էր երկիրը:

ե) Ծովս էր ելնում:

գ) Վագում էր պատանեկիկը:

զ) Աչիկներն էին արեգակներ:

2. Տրված տեքստից առանձնացրո՛ւ ընդարձակ նախադասությունները և համառոտիր:

Իրիկնադեմին իջևանատան նկուղ–սեղանատանը նստած արքան որդան կարմիրի *օջարակ* էր խմում, երբ ներս մտան երկու գուսաններ: Նրանք ողջունեցին ու նստեցին Արտաշեսի կողքին: Գուսաններից մեկը արքային հարցրեց, թե ո՛ր կողմերից է:

– Վանի,– պատասխանեց արքան:

3. Տրված տեքստից առանձնացրո՛ւ պարզ և բարդ նախադասությունները:

Հնէաբանն ուշադիր զննում էր տեղանքը՝ հուսալով հայտնաբերել հողածածկ ամրոցը: Երեխաները բանջարանոցից հավաքում են կարտոֆիլ, կաղամբ, վարունգ: Անձրևից հետո երևաց արևը և ծիածան կապեց: Հողմը շառաչյունով փչեց և բացեց լուսամուտի փեղկերը: Նա արագ բացեց սենյակի դուռը և հյուրերին ներս հրավիրեց:

4. Օգտագործելով առարկա և գործողություն ցույց տվող բառերը՝ փոփոխելով կազմիր նախադասություններ:

ա) արև, թռչուն, ամպ, երկինք, անձրև,

բ) ցրվել, փայլել, պարզվել, երգել, դադարել:

5. Կազմած նախադասություններն այնպե՛ս դասավորիր ու արտագրիր, որ ստացվի մի ամբողջական տեքստ: Վերնագրիր: